

救救地球村

[1]

越嚟越多村民發現，人類活動係造成地球村越嚟越熱嘅主要原因。
「再噉落去，容乜易世界末日㗎？」

[2]

佢哋開始發散啲村民去搵氣候變化嘅原因，以為噉就可以好快解決到天氣變熱嘅問題。

[3]

就好似大腦受損噉之嘛！有科學家發現原因係出自車用鉛油……

[4]

噉只要用少啲、或者直頭唔畀人用佢咪得囉！

[5]

依家佢哋知道溫室氣體係氣候變化嘅原因，噉咪叫啲村民唔好放咁多呢啲氣體囉！
但係原來件事唔係咁簡單……

[6]

原來好多村民平時做開嘅事，好似餐餐大魚大肉、坐飛機旅行、噉發電廠發電等等，全部都會放出呢啲氣體，啲氣體仲會留喺天空幾百到幾千年！

[7]

啲村民今日放嘅二氧化碳，會喺二、三十年後至會影響到個氣溫。即使佢哋而家開始用少啲碳，等啲氣體整下又少啲，整下又少啲噉，但都要等返幾十年，個氣候至會開始識得慢慢變返正常。

[8]

就好似人瞓覺噉樣，一開始瞓入被竇嗰時，張床都仲係凍冰冰嘅。

但係因為人嘅身體會放出熱力，所以張床會慢慢跟住啲熱力變熱。

啲熱力俾張被冚住出唔到去，分分鐘熱到個人出晒汗都瞓唔著！

[9]

同樣道理，當啲村民餐餐都大魚大肉、坐飛機旅行、噉發電廠發電嘅時候，

佢哋放出嘅氣體就會喺空中形成一層好似被噉嘅嘢，冚住地球村。

由太陽吸返嚟嘅熱力、加上地球村本身嘅熱力，都俾張被冚住出唔到去，條村就會變得越嚟越熱！

雖然佢哋仲有海，可以幫手吸下熱同部分嘅二氧化碳，但係噉吸法，等個海都熱埋，海洋生物死埋，都扭轉唔到個氣候……

[10]

受氣候變化影響嘅唔止係個海，仲有森林。

因為個地熱到乾爭爭，地球村各地每年都發生唔少山火，好似舊年嘅澳洲山火就死咗五億隻動物。睇到樹熊BB嘅喊聲，啲村民真係心都悒埋。

最慘嘅係，呢啲都只係個開始咋……

[11]

有科學家話，喺嚟緊一百年，地球村嘅氣溫會上升攝氏1.4到5.6度！如果唔想個氣溫升到咁高，想個升幅守住喺1.5度嘅話，啲村民每年就要放少15%嘅二氧化碳。

[12]

即使要求再低啲，畀你升夠2度，啲村民每年都要放少5%左右嘅碳。

「係真唔係呀？」對上一次放咁少二氧化碳，講緊都已經係三十年前嘅事！

[13]

但係唔得都要試到得，天氣再熱落去，啲冰融融下，海洋水位就會越升越高，好多住得近海嘅村民為咗驚水浸，個個都要搬入內陸。而內陸一啲原本都叫做肥沃嘅土地，都會開始乾到變沙漠，慢慢糧食、經濟同難民問題都會出現！

[14]

「我哋再唔做嘢，去到2100年，個氣溫升夠4度都似！」

需知道，個氣溫淨係升3度，人類都生存唔到！喺呢個moment，啲村民要爆啦！

[15]

各地村民開始動員大量人手，想喺短時間內起好多好多嘅太陽能同風力發電機、高鐵同電動車等等，實行全面改用再生能源，力圖救救氣候、救救佢哋嘅屋企！但係要起呢啲基建，啲村民變相又要放更多嘅二氧化碳……

「地球村未來會變成點，完全係取決於我哋手中！到底我哋有冇呢個共同決心，去採取必要嘅行動，嚟守住呢1.5到2度氣溫到最後？」

接落嚟，我哋將會透過呢個系列，繼續探討氣候變化嘅問題。

00053:《救救地球村》Climate Change: Save Global Village

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text

“Climate Change: Save Global Village” (Cantonese), written by Connie, based on "Are We Screwed On Climate Change?", written by Jeremy Deaton, art by Matteo Farinella, released by Nexus Media. Cantonese version published by HamBaangLaang (© HamBaangLaang, 2021) under a [CC BY 4.0](https://creativecommons.org/licenses/by/4.0/) license on hambaanglaang.hk

[Find out more here: [HamBaangLaang Attribution terms and CC 4.0](https://hambaanglaang.hk/attributions)]
